

ANTZERKIA. Euskarazko emanaldiak gaur eta bihar izango dira

Txalo taldeak Donostiara eramango du bere lan berria

Igandea arte egongo da, Antzoki Zaharrean, 'Emaztea kapelarekin...' obra

Erredakzioa | **DONOSTIA**

Azpeitiko Antzerki Topaketa-
tan estreinaldia egin eta gero,
Txalo antzerki taldeak Donos-
tiara eramango du *Emaztea ka-
pelarekin nahastu zuen gizona...*
eta beste kasu batzuk bere azken
obra. Antzoki Zaharrean ikusi
ahal izango da, gaur eta bihar
euskaraz (21:00etan) eta larun-
bat eta igandean gaztelaniaz.

Oliver Sacks neurologo esta-
tubatuarraren *Emaztea kapela-
rekin nahastu zuen gizona...* saia-
kera liburuan oinarritzen da
Txaloren azken lana eta Ramon
Barea aritu da zuzendaritza lan-
etan. Peter Brook antzerkigile-
ak Sacksen liburua hartu eta an-
tzezlana egin zuen eta Brookek
egindakoaren egokitzapena
egin du Bareak.

Hemezortzi kasu neurologi-
koen kontarek osatzen dute
antzezlana. Gaixotasun horien
gaineko informazio zehatza ja-
sotzeko, Fernando Sadaba neu-
rologo adituarekin egin zuen
lan Bareak. Neurologiari buruz-
ko testu asko ere irakurri zituen
obra prestatzen hasi aurretik.

Gaixoen eta neurologoen arteko elkarrizketa

Gaixoen eta neurologoen arte-
ko elkarrizketaren bitartez,
errealitateari buruzko ikuspegi
aldatua lantzen du ikuskizune-
ko kasu bakoitzak.

«Rolekin jolastu nahi izan
dugu, nor bere senaren edo bu-
rutik eginda egotearen arteko



PABLO S. QUIZA

Barearen antzezlana berria.

muga batzuetan zehazgabea
dela erakusteko. Sacksek, batez
ere, gaixotasunarekin bizitzeko
duten gaitasuna azaldu nahi
izan du, eta rola txandakatze-
ak ideia hori hobeto azaltzen la-
guntzen du», adierazi zuen Ba-
reak.

Bareak zuzenduta, Paco Sa-
garzazu, Ander Lipus, Itziar

Lazkano, Jone Irazabal, Inaxio
Tolosa eta Ramon Barea bera
dira aktoreak.

Gaixoarena eta medikuare-
na, biena egiten dute aktore
guztiek. Aktore talde hori alde
aurretik ondo pentsatutakoa
izan da. Ez dira talde bereko
kide eta, nork bere gauzak utzi-
ta, buru-belarri sartu dira lan
honetan.

LABURAREN

ZINEMA

Jean-Jacques Annauden 'Duell-Enemy at the gates' filmak hasiko du Berlingo Zinemaldia, otsailaren 7an

Duell-Enemy at the gates Jean-Jacques Annauden pelikula
inauguratuko du, datorren otsailaren 7an, Berlingo 51. Zine-
maldia. Europako zinemaren inoizko filmik garestiena da.
Hautaketa horrekin antolatzaileek adierazi nahi izan dute Eu-
ropako zinemak baduela ahalmena produkzio handiak egite-
ko. *Duell-Enemy at the gates*-ek 90 milioi dolarreko aurrekontua
du (15.840 milioi pezeta eta 633,6 milioi libera). 1942ko Stalin-
gradoko batailan segada batean eroritako errusiar baten eta ti-
ratzaile aleman baten arteko dolua kontatzen du.

LITERATURA

'Literatur jazz' ekimena eskainiko dute jazz talde eta idazleek Bilbon hilean behin

Alde Zaharreko Euskal
Txokoak eta Lizardi AEK
euskaltegiak *Literatur jazz*
izeneko ekimena antolatu
dute Bilboko Kalderapeko
Kulturgunean. Hilean
behin, hainbat euskal idaz-
lek eta jazz hirukote batek
literatura eta jazz uztartu-
ko dituzte. Lehen emanal-
dia hilaren 17an izango da,
20:10ean. Bertan, Andolin
Eguskitza eta Libitum jazz
taldea izango dira

LITERATURA

Francisco Umbrali Cervantes saria eman izana kritikatu du Juan Goytisolok

Juan Goytisolo idazleak
«usteltzat» jo zuen Espai-
niako literatur bizitza, *El
País* egunkarian idatzitako
artikulu batean. Goytisolok
kritikatu egin zuen Cervan-
tes saria Francisco Umbrali
eman izana. Goytisoloren
ustez, erabakiak erakusten
du «adiskidekeria koipetsu
eta tribala» dagoela. Idazle-
ak adierazi zuenez, Espai-
nian kultura «eskasa eta
azalekoa» da.

MUSIKA

Bilboko Arriaga Antzokiak 'Maruxa' lanarekin amaituko du zarzuelari eskaini dion zikloa

Arriaga Antzokian *Maruxa* lana emango dute bihartik aurre-
ra, zarzuelari eskainitako zikloa amaitzeko. Emanaldiak
bihar, larunbatean eta igandean izango dira. Jerezko Teatro
Villamarta eta Madrilgo Opera Komikoa ekoitzi dute eta,
Galiziako txoko irudikatu batean, bi artzainen amodioa kon-
tatzen du ikuskizunak.

ESKULTURA

Arrantzontzi bat eta Nestor Basterretxearen eskultura bat jarriko dituzte Santurtziko Mirabueno parkean

Santurtziko Mirabueno parkean eraikiko den XIV. mendeko
dorretxearen ondoan, Nestor Basterretxearen eskultura bat
eta Gure Ama arrantzontzi berritua jarriko ditu Udalak. Dorre-
txean museo bat eta jantoki bat izango dira. Museoak baxura
eta alturako arrantzontziak, artisau lanak, arrantzaleen ohiko
janzkerak, txankuak eta arrantzatzeko sareak jasoko ditu. Es-
kultura lantzez eraso dioten pertsona bat irudikatuko du.

IRAGARKI MERKEAK

943 300 222

33 x 33 mm

**33 x 33
MODULO
(Araba-Nafarroa)**

Eguna: **2.100**
Astea (6 egun): **1.800**
2 aste (12 egun): **1.500**
Hilabetea (24 egun): **1.100**

33 x 33 mm

**33 x 33
MODULO
(Edizio orokorra)**

Eguna: **2.900**
Astea (6 egun): **2.200**
2 aste (12 egun): **2.000**
Hilabetea (24 egun): **1.400**


33 x 33 mm

**33 x 33
MODULO
(Iparralde)**

Eguna: **88 l.**
Astea (6 egun): **82 l.**
2 aste (12 egun): **69 l.**
Hilabetea (24 egun): **55 l.**

**Euskarazko
komunikabide
batek
MAKETATZAILEA
behar du**

Beharrezkoa da
euskalduna izatea eta
Freehand, Quark eta
Photoshop programak
erabiltzen jakitea.
Egun osoko kontratua
eskaintzen dugu.
Kurrikulumak bidali
honako helbide
honetara:
**Perro kalea, 1-4.
48005 BILBO**
edo **94 416 65 55**
fax zenbakira.



**OSTIELA! ALDIZKARIAREN
20. ALEA KALEAN!**

"Zibilizazio" kontsumista, globalizazioa, desobediencia...
jaun eta jabe aldiakari "txintxoan". Kultur hiru-
hilabeteakari honen gai nagusia: GIZARTE
KONTSUMISTA PUTE HAU. Erdi-monografiko
keinularen, *Sistimaren aurkako sistimak*, eraso globalari
erantzun globala; globalizazioa, posmodernitatea eta
kultura (www.folklore.com); Piztu E.H. txostena; "Turko-
buru", Matxinada dendan (desobediencia zibilaz),
Antibabab, superrean lapurtzeko moduak, e.a.
Elkarrizketa nagusia Mikel Markez-i, "La Crus del
Gorbea gure gaseosie", amodio versalleskoak, Philip
K.Dick, Josu Naberan, Günter Wallraff, Karmelo
C.Iribarren, Vicent Gil de Paules, Pedro Ugarte, Elvis
Perez Perez....
Eta ero-gaitztoen aurrean desobeditzaile-xamar diren
beste asko...

Merke-merke, 400 pzeta.-n salgai E.H. osoko
liburudenda eta kioskoetan. Urteko harpidetza (4
ale) 1.600 pzta (ale "atzeratuak" erdi-prezioan).
Eskatzaileak Ordiziako 131 p.k.-ra edo deitu (edo
idatzi) 943-161835 tfno./faxera.
ostielat@autovia.com
www.ostielat.com